

四庫全書

經部

欽定四庫全書

經部

程氏春秋分記卷四十一

四十一

詳校官監察御史臣李陽穀

給事中臣溫常綏覆勅

總校官原任中允臣王燕諸

校對官主簿臣汪日贊

謄錄貢生臣李玉瓚

欽定四庫全書

春秋分記卷四十

宋一程公說撰

書二十三

征伐書第二

宋衛蔡陳軍制不詳見

宋

宋襄公泓之戰

僖二十一年

宋人既成列楚人未既濟司馬

曰彼衆我寡及其未既濟也請擊之公曰不可既濟而

未成列又以告公曰未可既陳而後擊之宋師敗績公傷股門官殲焉國人皆咎公公曰君子不重傷不禽二毛古之為軍也不以阻隘也寡人雖亡國之餘不鼓不成列子魚曰君未知戰勍敵之人隘而不列天贊我也阻而鼓之不亦可乎其曰我寡則宋之軍卒不能敵楚矣華元之敗宣二年喪甲車四百六十乘全軍亦三軍之制至大尹興空澤之士千甲哀二十一年全軍更役尚周制云若其軍帥則以司馬主甲兵司徒主徒役司城主營壘

司馬亦曰司武襄六年華弱為司馬平公曰司武而枯於朝難以勝矣謂其主兵也襄九年宋災司徒華臣具正徒文十六年夫人謂司城去公六卿皆官而夫人獨使司城去昭公蓋司城與司馬實相關則兵亦兼之矣

凡調兵必請節而後發

哀十四年司馬請瑞焉以命其徒攻桓氏杜預注瑞符以發兵當時兵雖掌於司馬必請瑞而後敢

發於此知周之制度兵雖散在鄉遂於卿大夫之家固各有主掌非得符節則不敢發

陳有鶴鵠之名

昭二十一年與華氏戰于赭丘鄭翩華氏願為鸕黨願為鸕其御願為鵠杜預注鶴鵠皆陳名

衛

衛懿公之滅遺民七百三十人益之以共滕之民為五千人齊立戴公于曹以車三百乘甲士三千人戍焉合

衛人以成軍而文公之立車止三十乘季年始三百乘
詩稱駟牝三千法三百乘用馬一千二百足云三千者兼牝也蓋二軍也閔二年至出公為支離之卒哀二十五年

鄭

杜預注陳名

鄭次國制當二軍舊說就左右拒分為中軍考之春秋初則鄭已備三軍北制之師隱五年衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍而不虞制人遂敗燕師于北制至

繻葛之戰桓五年 曼伯為右拒祭仲足為左拒原繁高渠

彌以中軍奉公為魚麗之陳亦三軍之制也

高克清人之詩左旋

右抽中軍作好傳在閔二年

三軍之外又多尚徒兵而車戰寢弛矣

桓五年王以諸侯伐鄭鄭伯禦之王為中軍虢公

林父將右軍蔡人衛人屬焉周公黑肩將左軍陳

人屬焉鄭子元請為左拒以當蔡人衛人為右拒

以當陳人原繁高渠彌以中軍奉公為魚麗之陳

命二拒曰旛動而鼓旛乃中軍之旗鼓是二拒之

一匹牛三頭今子產別賦其田如魯之田賦非也
經書用田賦則與作丘甲異文此傳言作丘賦其
文與作丘甲類不取於丘甲而取諸田賦疑或非
也古者以兵車為賦故言敝邑以賦與陳蔡從又
云悉索敝賦以來會時事子謂仲由于乘之國可
使治其賦也則子產之作丘賦意以十六井之民
賦車一乘矣所以然者鄭國褊小介於晉楚故其
賦視他國倍蓰焉

燕
軍制
關

秦

秦自非子為孝王養馬汧渭之間封為附庸至秦仲有車馬侍御之好車鄰之詩秦變風始作秦仲之孫襄公當平王初興兵討西戎以救周平王東遷王城以岐豐之地賜之列為諸侯地與戎相錯襄公修其車馬備其兵甲武事備矣駟驖小戎之詩序田狩車馬莫詳焉前漢地理志曰天水隴西山多林木民以板為屋及安定

上郡西河皆迫近戎狄脩習戰備高上氣力以射獵為先故秦詩曰在其板屋又皆言車馬田狩之事蓋其故俗至穆公霸西戎始作三軍伐晉之師僖三十三年殽之役三帥而車

三百乘過周北門左右免胄而下超乘者三百乘既不請命直過王畿凌逼甚矣傳言其輕而無禮著無禮於王室也又置陷陣吳子秦置陷陣三萬康公好攻戰亟用兵而不與民同欲無衣刺之曰王于興師脩我戈矛與子同仇秦本周地故猶思周盛時而稱先王以見秦人用之異乎

周制而民不堪命矣至定五年子蒲子虎帥車五百乘
救楚兵力益以強盛

楚

楚自若敖竚冒簞路藍縷以啓山林武王始為軍政作
荆尸以伐隨授師子以立陳法

莊四年楚武王荆尸授師子焉以伐隨按宣十二
年隨武子論楚之兵曰荆尸而舉杜預曰荆楚也
尸陳也楚武王始更為此陳法遂以為名

子鎬屬亦楚陳所利大抵陳中有利於長兵者有利於短兵者弓矢利遠即長兵子是短兵蓋楚參用子為陳

成王地方千里城濮之役僖二十一年子玉請戰王怒少與之師唯西廣東宮與若敖之六卒實從之大抵皆非正軍制亦非古

子玉以若敖之六卒將中軍蓋兵屬子王者子西將左子上將右當是西廣東宮之兵傳曰楚右師

左師潰楚敗績子玉收其卒而止故不敗杜曰三軍惟中軍完則不敗者止若敖之六卒楚軍有兩廣即其親軍制詳見下方令曰西廣止分其一而已

杜注東宮曰太子有宮甲分取以給之按文元年商臣以宮甲圍成王是東宮兵也

若敖楚武王之祖父葬若敖者子玉之祖也杜預曰六卒子玉宗人之兵六百人言不悉師以益之周禮司馬允制軍百人為卒知六卒六百人也于

時子玉既為令尹而乃請戰蓋欲增兵耳若敖之六卒乃子玉家兵觀宣公四年楚子與若敖氏戰于臯滸敵於敵君戰則兵強可知

穆王接晉文襄霸之後楚益强大時則嚴環衛之屬文元年傳潘崇掌環列之尹杜注宮衛之官列兵而環王宮又宣十二年傳以至于是內官序當其夜以待不虞內官當同環列之尹都君子王馬之屬所以親衛於王出入同之

厥貉之會陳鄭及宋受役於司馬以田孟諸時則有右
孟左孟兩甄之制

文十年會于厥貉宋道楚子以田孟諸宋公為右
孟鄭伯為左孟期思公復遂為右司馬子朱及文
之無畏為左司馬杜注孟田獵陳名將獵張兩甄
故置二左司馬蓋期思公復遂一人為右司馬當
中央則左司馬二人張兩甄矣兩甄猶言兩翼

莊王霸強克庸以來文十
六年無日不討國人而訓之于民

生之不易在軍無日不討軍實而申儆之于勝之不可
保逮邲之戰宣二年軍制備矣蓋兆於武王備於莊王傳
莫詳焉三軍以為正軍

傳曰楚子北師次于邲沈尹將中軍子重將左子
反將右此三軍蓋正軍也時孫叔敖為令尹秉政
不在三軍之數如南轍反旆軍進退皆由之故知
令尹為兼統三軍矣

二廣以爲親軍

傳載樂武子言楚軍制曰其君之戎分為二廣右
廣初駕數及日中左則受之以至于昏內官序當
其夜鄭氏曰廣車橫陳之車杜預注二廣君之親
兵按傳楚子分左右廣雞鳴而駕日中而說左則
受之日入而說許偃御右廣養由基為右彭名御
左廣屈蕩為右王乘左廣以逐趙旃杜預注楚王
更迭載之故各有御右傳又曰王見右廣將從之
乘屈蕩尸之曰君以此始亦必以終自是楚之乘

廣先左蓋左右二廣為王親軍右廣初駕以及日
中左廣受之以及日入嘗在王側內官序當其夜
若今之當更循環親衛敵安得掩襲親軍之制詳
矣僖二十八年西廣從子玉時子玉專軍政故分
西廣以屬之今邲之戰則二廣皆以俟王迭載其
曰楚之乘廣先左杜預雖云以乘左得勝然實則
楚人尚左故親軍分為二廣而王則乘左
游闕以爲游兵

傳使潘黨率游闕四十乘從唐侯游闕蓋游兵往來游補闕者觀兵陳何處為薄則從而補之所謂奇軍以防敗失由正軍中選旋分出不繫步伍之數

廣有一卒卒偏之兩

傳曰廣有一卒卒偏之兩又曰楚子為乘廣三十乘分為左右司馬法百人為卒二十五人為兩車十五乘為大偏九乘為小偏其尤大者又有二十五乘之偏今一廣十五乘即古大偏之法而曰卒

偏之兩者孔穎達謂兩廣之別各有一卒之兵百人也一卒之外復有十五乘之偏并二十五人之兩既言一卒又云卒偏之兩言卒之者成辭婉句耳蓋防正軍有敗則以偏車易之正卒有闕則以偏卒補之

於陳則分左右二拒

傅工尹齊將右拒卒以遂下軍使潘黨率游闕四十乘從唐侯以為左拒以從上軍亦猶鄭二拒蓋

楚子在中軍與晉中軍相對臨戰分此二拒右拒當晉下軍左拒當晉上軍故杜預謂為陳名調卒之法商農工賈不敗其業卒乘輯睦不奸於事行軍之典則右轅左追蓐前茅慮無中權後勁百官象物而動軍政不戒而備

軍行右轅左追蓐凡兵車有甲士有步卒甲士在車不供辟役分步卒為前左右三處兵車一轅服馬夾之而言挾轅者步卒被分左右者軍行時又

分之在兩廂挾轅以為戰備傳曰令尹南轅又曰改乘轅楚陳以轅為主以轅表車正是挾車嚴兵以備不虞其應在左者使之追步草蓐令離道求草不近兵車蓐謂臥止之草以為宿備豫定左右之別在道分使之故云軍行至於對陳則在車左右

前茅慮無爾雅曰茅明也在前者明為思慮所無之事恐卒有非常則預告軍衆使知而為備如今

軍行令人遠在軍前斥度候望慮有伏兵使踰行人持以絳及白為幡與軍人為私號曲禮曰前有水則載青旌前有塵埃則載鳴鳶前有車騎則載飛鴻前有士師則載虎皮前有摯獸則載貔貅與此見賊舉幡相似茅明釋言文舍人曰茅昧之明也杜預注或曰時楚以茅為旌義未詳

中權是中軍大將軍進退之權三軍之心在此權者謂謀之高下輕重皆當

後勁以精兵為殿凡前曰啓後曰殿前後皆當用
精兵後世勁兵多在前或被擊敗則後無應勁兵
在後此最良法

百官象物而動物猶類也謂旌旗畫物類也百官
尊卑不同象具所建之物而行動軍之政教不待
號令而自備周禮大司馬中秋教治兵辨旗物之
用王載太常諸侯載旂軍吏載旗師都載旛鄉遂
載旛郊野載旛百官載旛鄭玄云軍吏諸軍帥也

師都遂大夫也鄉遂鄉大夫也或載旃或載物衆屬軍吏無所將也郊謂鄉遂之州長縣正以下野謂公邑大夫載旃以其將羨卒也百官卿大夫載旃者以其屬衛王也凡旗有軍衆者畫異物無者帛而已尊卑所建各有物類案春官司常云及國之大閱贊司馬頌旗物而所建不同者大司馬則中秋教治兵之法司常則中冬教大閱之法鄭玄云凡頌旗物以出軍之旗則如秋以尊卑之常建

則如冬大閱備軍禮旌旗不如出軍時空辟實也
是謂時不同故所建異此云象物而動謂軍行時
當指治兵之法

行軍之翼日則輜重至

乙卯王乘左廣以逐趙旃及昏楚師軍於邲晉之
餘師不能軍丙辰楚重至於邲杜注輜重也楚輜
車嘗後正軍一日蓋楚軍有法輜重若與正軍過
遠則有邀擊之患過近則重兵纔亂正軍亦潰後

世用兵先擊輜重取勝者多蓋以非太近則太遠
以是知楚輜重遠大兵一日為得宜也

凡此皆軍政之善者也若其王之世公子嬰齊為簡之
師組甲被練皆創名之

襄三年傅楚子重伐吳為簡之師使鄧廖帥組甲
三百被練三千簡謂選擇也杜預注組甲被練皆
戰備也組甲漆甲成文被練練袍賈逵云組甲以
組綴甲車士服之被練帛也以帛綴甲步卒服之

孔穎達曰甲貴牢固練若不固宜皆用組何當造
不牢之甲而令步卒服之豈欲其被傷故使甲不
牢也若練以綴甲何以謂之被又組是條繩不可
為衣服安得以為甲裏杜言組甲漆甲成組文今
時漆甲有為文者被練文不言甲必非甲名被是
被覆衣着之名故以為練袍被於身上雖並無明
證而杜說近之呂祖謙曰組甲被練擇兵之精者
被練若今軟纏之類

康王以蒍掩為司馬始井沃衍牧隰臯賦車籍馬而有車兵徒兵甲楯之數

襄二十五年楚蒍掩為司馬子木使丘賦數甲兵掩書土田牧隰臯井衍沃量入脩賦賦車籍馬賦車兵徒兵甲楯之數既成以授子木

靈王斥地益大陳蔡不羹邑賦千乘於是五帥左氏傳吳人敗諸豫章獲其五帥平王簡上國東國之兵都外軍師精練有

法

昭十四年楚平王使然丹簡上國之兵於宗丘且撫其民使屈罷簡東國之兵於召陵亦如之好於邊疆息民五年而後用師杜預注上國在國都之西西方居上流故謂之上國按下云簡東國之兵亦如之知此是簡西國之兵也西國東國皆是楚人在國之東西者孔穎達曰西為上則東為下下言東則此是西互見也

至若成丁則若申息之子弟

僖二十八年楚子入居于申子玉城濮之敗王使謂之曰大夫若入其若申息之老何杜曰申息二邑子弟皆從子玉而死

士兵則若都君子校人則若王馬之屬

昭二十七年傳左司馬成帥都君子與王馬之屬以濟師杜注在都邑之士有復除者賈逵云平常免其徭役事急乃使之耳君子既為士則不調發唯吳楚多有此事急則從如越有君子六千人是

也王馬之屬王養馬官屬校人之類凡此皆以急
調役非常法

其爲舟師以待吳寇而卒莫能以得志故曰吳用木也
我用革也

楚用舟師自康王始考之經傳吳自成七年始入
州來暨共王卒繼侵楚襄十
三年明年敗楚于臯舟之

隘是吳利在舟師十四
年楚懼無以敵吳後十年康

王始爲舟師以略吳疆而吳乃滅巢昭二十
四年昭王

時救潛之役

二年

令尹子常以舟師及沙汭而還

竟無成功其後襄瓦伐吳

定二年

師于豫章吳人見

舟豫章而潛師于巢遂敗楚師入郢之後吳太子

終繫又敗楚舟師其帥潘子臣小惟子皆為吳獲

六年蓋楚雖以備吳置舟師而實莫能勝亦地形用

便有不同耳

吳

吳國介江湖而通淮利於舟楫其為兵舟楫之兵也自

申公巫臣以兩之一卒適吳舍偏兩之一焉教之乘車
教之戰陳而吳人始知有車騎之戰終不習也

成七年巫臣使於吳通吳于晉以兩之一卒適吳
舍偏兩之一焉與其射御教吳乘車教之戰陳杜
云司馬法百人為卒二十五人為兩車九乘為小
偏十五乘為大偏蓋留九乘車及一兩二十五人
令吳習之孔穎達曰以兩之一謂將二十五人也
又言卒謂更將百人也言之者婉句耳凡將一百

二十五人適吳也舍偏謂舍一偏之車九乘也兩之一焉又舍二十五人也凡舍九乘車二十五人與吳矣發首言兩之一者為舍此兩之一故先言之又言卒者見巫臣所將非惟有一兩也司馬法車九乘為小偏十五乘為大偏傳言偏不言大當是留九乘車矣

其伐楚則泝淮而上舍舟淮汭而後進會於黃池亦通江於淮自淮而上故曰余泝江泝淮闢溝深水出於商

魯之間以徹於兄弟之國允吳之兵便利於舟故楚為

舟師以伐吳則無功而還

襄二十
四年

為舟師以畧吳疆而

吳反得志

昭二十
四年

至豫章之役

定二
年

吳人見舟而潛師

以敗楚則楚舟師固不能以敵吳異時長岸之戰

昭十七
年

楚既大敗吳師獲其乘舟餘皇環塹守之卒為吳公子

光所取蓋舟師利於江湖楚是以莫能勝也若其軍數

王僚伐楚空國而二將夫差伐齊有上中下左右軍

哀公

十一蓋可見者四軍夫差益彊帶甲之士十有三萬黃

池之會三軍皆萬人

按國語三將軍三萬人吳越春秋三萬六千人有中校左右軍

春秋分記卷四十

欽定四庫全書

春秋分記卷四十一

宋 程公說 撰

書二十三

職官書第一

昔在黃帝以雲紀故爲雲師而雲名

黃帝軒轅氏姬姓之祖受命有雲瑞

故以雲紀事百官師長皆以雲爲名號縉雲氏其一官也

炎帝神農氏姜姓之祖亦有火瑞以火紀事名百官

而火名

炎帝神農氏姜姓之祖亦有火瑞以火紀事名百官

共工氏以水紀故爲

水師而水名

共工在神農前太皞後受水瑞以水名官

太皞氏以龍紀故爲

共工在神農前太皞後受水瑞以水名官

龍師而龍名

太皞伏犧氏風姓之祖有龍瑞故以龍命官

少皞摯之立也鳳

鳥適至故紀於鳥爲鳥師而鳥名鳳鳥氏歷正也

鳳鳥知天

時故以名玄鳥氏司分者也

玄鳥燕也以春分來秋分去

伯趙氏司

至者也

伯勞也以夏至鳴冬至止月令仲夏之月鳴始鳴

青鳥氏司啓者也

鷦

也以立春鳴立夏止丹鳥氏司閉者也

鶩雉也以立秋來立冬去入大水為蜃上四鳥皆歷

正之祝鳩氏司徒也

鷫鳩也鷫鳩孝故為司徒主教民

鵠鳩氏司馬也

屬官

王鳴也

鷙而有別

鳴鳩氏司空也

鵠鵠也鳴鳩平均故為司空平水土

故為司馬主法制

鳩氏司寇也

鷹也鷙故為司寇主盜賊

鳩氏司事也

鶻鶻也春來冬去故為司

事

五鳩鳩民者也

鳩聚也治民上

五雉爲五工正

雉有五種

西方曰鶴雉

東方曰鷗雉

南方曰翟雉

利器用正度量夷

雉北方曰鶴雉伊洛之南曰翬雉

夷

民者也

夷平

九扈爲九農正

扈有九種也春扈鵠鶴夏扈鶲立秋扈鶲藍冬扈鶲

黃棘扈竊丹行扈

喈喈宵扈嘖嘖桑扈竊脂老扈

鶲

鶲以九扈為九農之號各隨其宜以教民事

扈民

無淫者也

止使民不淫放

自顓頊以來不能紀遠乃紀於近爲

民師而命以民事則不能故也

顓頊氏代少皞以民事命官以上皆郯子所言

見左氏昭十七年傳故備著于首

堯命羲和四子順天文授民時內有

百揆四岳外有州牧侯伯舜命禹作司空棄后稷禹司

徒咎繇作士垂共工伯益作虞伯夷秩宗典禮夔典樂
龍納言周官亦云唐虞稽古建官惟百名雖異於紀遠
而命官分職猶倣諸古夏殷官倍亦克用又其詳亡聞
周則備矣天官冢宰地官司徒春官宗伯夏官司馬秋
官司寇冬官司空是爲六卿各有徒屬職分用於百事
太師太傅太保是爲三公蓋參天子坐而議政無不總
統故不以一職名官又立三少爲之副少師少傅少保
是爲孤卿與六卿爲九焉諸侯大國三卿次國二卿小

國一卿皆命於天子大夫不世爵使以德爵以功周衰
侯度不謹官失常守而百職亂迄于春秋周公所作之
法度亂其常矣所建之官制廢其守矣孔子陳後王之
法曰審法度修廢官四方之政行焉允經書王朝之官
曰公曰宰於卿大夫士皆以命數為差尚周公舊典禮
經也雖傳廣記備言而六卿之屬官名見者尚鮮蓋禮
樂征伐不自上出則其官安得而具若邦國之制則無
非僭越者矣諸侯擅其命不復請于天子卿職多其人

不復考于古制宋雖先代之後得自命官修其禮物固異他國然安可復備天子之制乎太宰列於六卿之外政卿有右師左師之名較之殷典亦復不合魯世三卿仲叔季氏實秉政權而臧孫東門子叔三氏無非卿職齊立三宰而司寇之置亦踰常法豈周制哉晉並建二孤而實則公以三軍將佐為六卿及增為五軍而卿之數十又為新軍而卿之數十有二置散卿而無軍行以卿官而為大夫僭禮敗度尤不可訓陳卿有三而鄭卿

亦六效尤大國誰執其咎秦之不更庶長楚之令尹莫
教義莫得聞國異政家殊俗甚矣其衰也是以春秋士
以名氏見大夫以字見以官稱者各有所見也在其國
則稱為卿於王朝當曰大夫皆以周公之法繩之左傳
紀事於列國官制大畧可覩蓋春秋用王法以繩衰世
之失其法簡而嚴傳因紀事以明建置之實其名詳而
備因其詳以不沒其實則聖人所為修春秋之意容可
類見使諸侯一遵王制之舊則有周官之六典在惟其

變古亂常多負成周之法度此春秋官制所以識也夫周室存而別志春秋職官亦足以見當時之失矣故用首著經傳王朝之官以其爲春秋而作則當取諸此由周而下曰魯晉齊宋衛蔡陳鄭曹燕秦楚吳則各自著錄因其沿革以知其得失周官盛典不辨自明矣夫子之得官名於鄭子也嘗有天子失官之嘆其以先王官制亂於春秋故歟傳者不達乃曰官不脩其職噫名不正則言不順言不順則事不成反本尋原失固有在豈

但不脩其職云乎哉若邾莒滕薛等國漸以脅削凡經所錄無非稱人故畧而不書

公

經

書州

公

兩

宰周

公

祭公

天子之公不過九命故八命九命稱公曾為三公而有土為畿內諸侯亦曰公皆以地配公言之蓋古所謂三公也周官曰三公論道經邦官不必備惟其人

大宰兼公

天官大宰掌建邦之六典以佐王治邦國穀梁傳曰天子之宰通乎四海古者三公無其人則以六卿之有道者上兼師保之任冢宰或闕亦以三公下行端揆之職蓋以三公與王坐而論道冢宰揆百官均四海俱為重任禹自司空進宅百揆又曰作朕股肱耳目是以宰臣上兼師保之任也周公為師又曰位冢宰正百工是以三公下行端揆之職也宰周公以冢宰而兼三公矣傳稱宰孔經言宰周公是知為

冢宰兼

三公

卿祭伯
召伯
渠伯
單伯

九伯

毛伯

天子之卿不過七命故六命七命稱伯伯即卿也
天官大宰卿一人為上大夫公羊於祭伯九伯傳
曰天子之大夫亦以為上大夫矣至渠伯糾傳則
曰其稱宰渠伯糾何下大夫也據下大夫稱字如
劉夏是已此稱伯何得云下大夫乎

宰宰周公
宰咺
宰渠伯糾

周官治官之屬大

音太下同

宰卿一人則春秋六命七

命稱伯者也小宰中大夫二人則五命稱子者也

宰夫下大夫四人則四命稱字者也上士八人則

三命名氏通者也中士十有六人則再命名之者

也旅下士三十有二人則一命稱人者也考之經

稱宰有三如宰周公是以冢宰兼公也宰渠伯糾

大宰之卿也宰咺雖稱名然以官錄亦為卿宰書

名春秋貶之

司徒

襄二十一年傳欒盈過周王使司徒禁掠欒氏者

按周官司寇掌詰姦慝刑暴亂而此命司徒者以

司徒掌會萬民之卒伍以起徒役以比追胥故追

盜是其所掌獲得罪人乃使司寇刑之

衛武公以諸侯入為

司徒

中大夫

蘇子單子

尹子劉子

天子之大夫不過五命稱子中大夫也

下大夫

南季
子突

家父
叔服

榮叔
仍叔之子
祭叔

四命字之下大夫也

上士

劉夏
王子虎

石尚

王子駟

天子之士不過三命三命名氏通上士也

中士

再命中士則稱名謂獨以名舉耳公羊傳宰咺曰
宰者何官也宰士也孔穎達曰周禮宰夫小宰皆
是大夫未知宰咺是何宰也宰夫職曰凡邦之弔

事掌其戒令與其幣器財用鄭玄云弔事弔諸侯
諸臣幣所用賄也既掌弔事或即充使此蓋宰夫
也按春秋再命稱名不以官錄春秋書曰宰何得
直以為中士哉

下士宰旅

一命稱人凡書王人皆下士之職又襄二十六年
傳韓宣子聘于周曰晉士起將歸時事於宰旅杜
預注宰旅家宰之下士按周禮大宰之屬有旅下

士三十有二人是知宰旅為冢宰之下士也以其官卑故下士獨得旅稱

諸侯入爲卿士

春秋初去三代未遠先王遺制猶有存者若鄭武公父子列為周司徒善於其職此外諸侯入爲卿士也鄭在西周蓋縣內諸侯及王東遷惟鄭是依故武莊為平王卿士隱三年為王左卿士九年則猶其

世職之舊其後廢置不常如以號公忌父為卿士

而鄭以王貳於虢故疑邦國自是不復入仕于王朝矣

膳夫

天官之屬

莊十九年傳王收膳夫之秩故石速作亂因蘇氏按周官天官之屬膳夫掌王之食飲膳羞以養王及后世子石速為膳夫其任此矣

地官之屬

師

莊十九年傳子頽有寵萬國為之師周禮地官之屬師氏掌以媯詔王以三德教國子鄭氏注師氏教國子而世子亦齒焉子頽莊王子以萬國為之師蓋師氏職云

山人

昭四年傳申豐言藏冰山人取之縣人傳之輿人納之隸人藏之杜預注山人虞官按周禮司徒之

屬山虞掌山林之政令山人猶山虞也

縣人

同上傳杜預注縣人遂屬按周禮司徒之屬有遂人掌邦之野五遂為縣故杜謂為遂屬又縣正亦屬司徒各掌其縣之政令徵比以領田里以分職事縣人蓋縣正之官

山人縣人輿人隸人四官雖申豐以荅魯季武子之間然皆序古制非指魯也故列之周

輿人隸人見下方

春官之屬

大史

文十五年傳史佚有言服虔曰周成王大史又哀
六年楚子問諸周大史按周禮大史下大夫二人
掌邦之六典以逆邦國之治嘗考春官有大史
小史內史外史御史而無左右史之名禮記玉藻
動則左史書之孔穎達正義云大史記動作之事

在君左廂記事則大史為左史也內史掌策命所
掌在君之右故為右史酒誥云矧大史友內史友
鄭注大史內史掌記言行斯大史當為左史而內
史當為右史之證

內史

僖二十八年王命內史叔興父策命晉侯為侯伯
按周禮內史中大夫一人掌王八柄之法以詔王
治凡命諸侯及孤卿大夫則策命之蓋大宰既以

爵祿詔王內史又居中貳之策謂以簡策書王命
其文若曰王謂叔父敬服王命晉侯三辭從命受
策以出尚周制之舊斯皆言語之事即右史也

卜正

隱十一年傳滕侯曰我周之卜正也按周禮春官
大卜下大夫二人其下有卜師卜人龜人筮人大
卜為之長正訓長也故曰卜正

夏官之屬

御士

僖二十四年狄師攻王王御士將禦之杜預注周禮王之御士十二人按周禮無御士之官唯夏官大僕之屬有御僕下士十有二人掌王之燕令鄭玄云燕居時之令以親近王故欲為王禦寇

輿人隸人

昭四年傳申豐言藏冰輿人納之隸人藏之杜預注皆賤官按周禮夏官之屬有隸僕即輿人之類

候

襄二十一年傳欒盈過周王使候出諸轘轘杜預注候送迎賓客之官也按周禮夏官之屬候人各掌其方之道治與其禁令以設候人若有方治則帥而致于朝及歸送之鄭氏注周禮候人即引春秋出諸轘轘事曰是其送之

秋官之屬

尉氏

襄二十一年傳欒盈過周辭曰臣戮餘也請歸死
於尉氏杜預注尉氏討姦之官孔穎達曰猶言歸
死於司敗明尉氏主刑人故為討姦之官周禮司
寇之屬無尉氏蓋周衰官名改易於時有此官耳
司敗亦非周禮官名也

行人

襄二十一年傳欒盈過周辭於行人杜預注王行
人也按周禮秋官之屬大行人掌大賓之禮及大

客之儀以親諸侯小行人掌邦國賓客之禮籍以待四方之使者凡諸侯入朝王則逆勞于畿凡四方之使者大客則擯小客則受其幣而聽其辭又以萬民利害等為五書每國辨異之以反命于王樂盈以罪出奔雖非使者然於是伸其辭尚小行人聽辭而反命之遺意故知此年行人為小行人明矣

冬官之屬

陶正

襄二十五年傳昔虞閼父為周陶正服事我先王
我先王賴其利器用也蓋司工之官

家臣之屬

宰

襄十年傳王叔之宰與伯輿之大夫瑕禽杜預注
宰家臣周禮春官六命賜官大抵官臣亦天子賜
謂使自置其臣治家邑如諸侯傳曰曾臣處將率

諸侯以討其官臣偃賓先後之是也在王朝之卿
則大宰云施則於都鄙建其長立其兩是也

諸侯大夫

之家臣亦然

屬大夫

襄十年傳伯輿之大夫瑕禽杜預注屬大夫蓋伯
輿之屬也王叔有家臣伯輿卑未至六命不得有
宰而止設其屬

內魯

孤

傳

閔二年傳公傳奪卜齋田謂之公傳則周官三孤之一也上公之國孤一人魯侯國不應有孤曰公傳蓋僭置孤卿矣然名同孤卿而國政皆世卿司之

侯國卿大夫士府史之制

周禮大宰之職掌建邦之六典以佐王治邦國乃

施典于邦國而建其牧立其監設其參傳其伍陳其殷置其輔蓋以侯伯有功德者加命作州長謂之牧所謂八命作牧也監謂公侯伯子男各監一國書曰王啓監厥亂為民此封康叔之言也至於參伍殷輔則卿大夫士府史之屬參為卿三人伍謂大夫五人殷衆也謂衆士也王制諸侯上士二十七人三卿下各陳士九人三九二十七人輔謂三卿之下各設府史胥徒及庶人在官者皆周制也自入春秋僭禮

亂常踰制多矣故於內魯先叙王制之舊而後列
邦國改革之僭

三卿

天子之制冢宰司徒宗伯司馬司寇司空倣天地
四時曰六官諸侯并六為三而兼職焉立司徒兼
冢宰之事立司馬兼宗伯之事立司空兼司寇之
事即上所謂設其參也武王牧野之師惟有司徒
司馬司空成王告康叔曰我有司徒司馬司空尹

旅又曰折父農父宏父皆三官之職魯周公之後宜有足證按昭四年傳叔孫聘王襄二十
四年王賜之

路魯使三官書之于時季孫宿為司徒叔孫豹為司馬孟孫羯為司空三卿之數與班序之次尚周舊典如書賜路一事而三官皆與焉亦見相關處然在隱十一年則羽父求為大宰文二年夏父弗忘為宗伯襄二十一年季孫責司寇臧武仲以詰盜則魯又具六卿矣以經考之自莊公世曰臧孫

氏孟孫氏叔孫氏季孫氏是為四卿若公子結之
非世卿不在焉僖公末年東門公子遂亦見於經
則為五卿矣宣公末年公弟叔旼後為子叔氏則
為六卿矣故成二年戰鞌之役季孫行父臧孫許
叔孫僑如公孫嬰齊四卿並出而仲孫蔑仲嬰齊
不在帥師之數成十五年仲嬰齊卒自此其後不
見於經猶有五卿焉又以譏世卿也

五大夫

周制司徒之下置小卿二人一曰小宰亦曰大宰大夫二

曰小司徒亦曰司徒大夫司空之下亦置小卿二人一曰

小司寇亦曰司寇大夫二曰小司空亦曰司空大夫司馬之下惟

置小卿一人曰小司馬亦曰司馬大夫此五大夫之職即

上所謂傳其伍也春秋世五大夫之名不著而多
僭制故具改革之實于下

司徒

周制司徒兼行冢宰之事按昭四年傳言襄二十

四年王賜叔孫路時季孫為司徒實書名杜預注
書名定位號質之周禮大司徒佐王帥其屬掌邦
教曰以賢制爵以庸制祿蓋司徒之職矣而未聞
以之兼冢宰則非侯國之制也

司馬

周制司馬兼行宗伯之事昭四年傳言叔孫為司
馬與工正書服考之周禮掌邦政其屬有司士掌
羣臣之政亦以德詔爵以功詔祿工正雖不屬司

馬然司服巾車皆宗伯之屬今魯使同司馬書服尚兼行宗伯遺意詳見工正下然宗伯又別命官亦非

侯國之制也

司空

周制司空兼行司寇之事按隱二年傳司空無駁無駁為司空又書卒蓋為卿矣經不書氏以隱未之請命耳又昭四年傳言孟孫為司空以書勲考之周官司空掌邦土而司勲則屬夏官今司空書勲侵司馬之職矣孔穎達謂

春秋之時又是諸侯之法不可盡與禮同况司寇既別命官亦非侯國之制也

大宰

隱十一年傳羽父請殺桓公將以求大宰杜預注大宰官名孔穎達曰羽父求大宰蓋欲令魯特置此官以榮己耳以後更無大宰知魯竟不立之按侯國家宰之事司徒兼之其下當置小宰大夫曰大宰僭也雖於時不果命輩必魯嘗置此官而後

翬求為之也考之經在桓公時公子翬竟為命卿
且終春秋小宰不一見於傳則魯大宰疑或有焉
宗伯

文二年傳躋僖公逆祀也於是夏父弗忌為宗伯
君子以為失禮弗忌宗人夏父展之後當是世為
禮官至弗忌為宗伯則古卿官也考之左傳魯宗
伯僅一見哀二十四年宗人翬夏亦宗伯之屬故
國語夏父弗忌為宗丞將躋僖公宗有司曰非昭

穆也曰我為宗伯何常之有是宗伯為卿而宗人
特有司之事則魯專命宗伯非以司馬兼之僭矣
司寇

襄二十一年傳魯多盜季孫謂臧武仲曰子盍誥
盜子為司寇將盜是務去按周禮司寇掌邦禁詰
姦慝刑暴亂雖同其職然侯國司寇之事司空兼
之其下當置小司寇今但曰司寇且臧氏世卿必
非小司寇大夫之職亦僭矣

論魯卿之序

以昭四年傳三家三官之序言之季孫為司徒叔孫為司馬孟孫為司空尚周制之舊也故前此臧武仲謂季孫為正卿襄二十一年而卜楚丘告莊叔得臣亦以叔孫豹為亞卿昭五年是司徒正卿司馬為亞司空為下矣周禮司寇居司空之上而魯司寇在三卿外蓋由僭制增置司徒不復兼行之舊傳所以志具官之失也

又按襄四年傳謂季孫行父為正卿三十一年傳謂季孫宿為正卿叔孫婼為介卿而昭五年傳亦以叔孫得臣叔孫豹為亞卿是季氏世為正卿而叔孫氏世為亞卿也至婼豹庶子以王命為政昭二年其後季孫意如憎其在己上位而惡諸晉昭二十一年則自昭以後叔孫位序在季氏上矣

左宰

襄二十三年傳季氏以公鉏為馬正又出為公左

宰杜預注出季氏家臣仕於公左宰其大宰之屬
歟

宰人

哀三年傳司鐸火命宰人出禮書以待命杜預注
冢宰之屬按周禮宰夫凡禮事贊小宰比官府之
具

府人

昭三十二年傳反賜於府人按周禮大府賞九貢

九賦九功之貳以受其貨賄之入王府掌王之金
玉玩好兵器凡良貨賄之藏內府掌受九貢九賦
九功之貨賄良兵良器以待邦之大用外府掌邦
布之出入侯國與王制異然府人司賜予之物亦
猶天府王府內府外府所掌矣

周人

哀三年傳司鐸火命周人出御書俟於宮杜預注
周人司周書典籍之官御書進於君者也使待命

於宮按周禮司書掌邦之六典八法八則九職九
正九事邦中之版土地之圖周人司周書其司書
之類歟在魯故以周人別之韓宣子適魯見易象
與魯春秋曰周禮盡在魯矣魯周公之後藏周典
籍為多故以周人名官

隧正

襄七年傳叔仲昭伯為隧正欲善季氏謂南遺請
城費隧正主徒役也五縣為隧則隧正當如周禮

之遂人掌諸遂之政令徒役出諸遂之民故為主
役徒者按周禮遂人掌邦之野五家為鄰五鄰為
里四里為鄼五鄼為鄙五鄙為縣五縣為遂鄭司
農云王國百里內為六鄉外為六遂鄭玄云郊內
比閭族黨州鄉郊外鄰里鄼鄙縣遂異其名者示
相變耳尚書費誓云魯人三郊三遂則侯國之有
鄉遂亦以郊內外別之城費之命出於季氏城費
之役制於昭伯

賈正

昭二十五年傳臧會奔郈郈鮪假使為賈正焉計
於季氏杜預注鮪假郈邑大夫賈正掌貨物使有
常價若市吏送計簿於季氏按周官賈師二十四
則一人各掌其次之貨賄之治辨其物而均平之
禁貴價者使有恒賈而屬於司徒此郈邑大夫使
為賈正是為郈市之賈正也其後為叔孫私邑此
時尚為公邑故使賈正通計簿於季氏昭四年傳

季孫為司徒謂季武子也季氏世為正卿平子踐
司徒之職賈正送訏簿乃其屬云

右左宰而下於周官為大宰之屬隨正賈正
為司徒之屬在侯國皆屬之司徒

宗人

哀二十四年傳將以公子荊之母為夫人使宗人
賈夏獻其禮曰汝為宗司杜預注宗人禮官也按
國語公使宗婦覲用幣宗人夏父展曰臣從有司

則展職猶釁夏也宗人以司稱宜為宗伯之屬周禮都宗人掌都祭祀之禮正都禮與服家宗人掌家祭祀之禮與其衣服宮室車旗之禁令宗人蓋司禮者

大祝

昭十七年傳祝史請所用幣按周禮大祝掌六祝之辭小祭祀故以用幣為請

大史

文十八年傳大史對曰先大史臧文仲又昭十七
年傳大史曰在此月也按周禮大史掌建邦之六
典諸侯大史其職亦同

卜

閔二年傳使卜楚丘之父卜之杜預注魯掌卜大
夫按周禮有大卜掌三兆之法掌三易之法掌三
夢之法又卜師掌開龜之四兆

祝宗卜史四官之重

定四年傳祝宗卜史命以伯禽注大祝宗人大卜
大史凡四官即上所述是已古者惟先事人與神
此四官賜出王命不得私立是以重之傳述魯四
官皆王命之舊云

巾車

哀三年傳巾車脂轄杜預注巾車掌車按周官巾
車掌公車之政令辨其用與其旗物而等叙之以
治其出入巾猶衣也巾車公車之長

校人

哀三年傳校人乘馬杜預注校人掌馬乘馬謂使四馬相從為駕之易按周禮校人掌王馬之政辨六馬之屬凡頌良馬而養乘之乘馬一師四圉自乘至廄其數二百一十六匹六廄成校校有左右此王制也魯之校人義倣此而馬數不可考蓋不當與王制同

圉人

莊三十二年傳圉人犧杜預注圉人掌養馬者周禮圉人掌養馬芻牧之事以役圉師

右宗人而下於周官為宗伯之屬校人而下為司馬之屬在侯國皆屬之司馬

行人

昭二十三年經晉人執戎行人叔孫婼按周官大行人掌大賓之禮及大客之儀以親諸侯小行人掌邦國賓客之禮籍以待四方之使者諸侯之行

人當亦通掌此事釋例曰使以行言言以按事信
令之要於是乎在古者兵交使在其間或執殺之
皆譏也

工正

昭四年傳夫子為司馬與工正書服杜預注車服
之器工正所書孔穎達曰工正雖不屬司馬掌作
車服故與司馬書服按周官司空掌邦土居四民
時地利冬官書闕以考工記補之故孔以工正不

屬司馬也

按侯國司馬兼行宗伯之事而周禮司巾車皆宗伯之屬今司馬與工正書

服猶兼行宗伯事之遺意惟魯別置宗伯而工正不以車服名官此為不同故附見於此

大匠

襄四年傳匠慶用蒲圃之檣杜預注魯大匠按周禮考工記有匠人掌建國宮室

右行人於周官為司寇之屬工正而下為司空之屬在侯國皆屬之司空

家臣

宰

襄七年傳南遺為費宰杜預注費季氏邑凡三家私邑皆以宰稱按傳言王叔之宰此王卿家宰也王卿之宰天子賜之而侯國家臣亦然魯政出季氏未必君賜也

馬正

襄二十三年傳季氏以公鉏為馬正杜預注馬正家司馬又定十年公南為馬正叔孫昭二十五年家臣

叔孫氏之司馬驥戾皆同此職

工師

定十年傳叔孫謂郈工師駟赤杜預注工師掌工匠之官郈時為叔孫氏私邑工師其家臣矣



春秋分記卷四十一

欽定四庫全書

經部

程氏春秋分記卷四十三

詳校官監察御史臣李陽城

給事中臣溫常綬復勘

總校官原任中允臣王燕緒

校對官主簿臣汪日贊

謄錄監生臣張紹禹

欽定四庫全書

春秋分記卷四十一

宋 程公說 撰

書二十四

職官書第二

晉

公狐混稱

大師大傅

文六年傳趙盾將中軍始為國政既成以授大傅

陽子與大師賈佗使行諸晉國以為常法孔穎達曰周官大師大傅大保天子三公也周禮上公之國孤一人王制諸侯三卿晉侯國也而有六卿復有狐二人者晉為霸主多置群官共時所須不能如禮孤尊於卿法由在上故宣子法成授二孤使行之按周官三公太師大傅大保論道經邦三孤少師少傅少保貳公弘化貳言副之晉侯國不應有孤卿又稱大師大傅則公而非孤矣孔氏既以

周官大師大傅為三公釋之又云晉有孤二人是
公孤混稱也大抵晉建官置軍僕佚為多卿無常
員復僭天子三公之名而假曰孤卿雖於時趙盾
自專國政託於大師大傅其實二人不得而與若
漢光武政歸臺閣而尚書奉行之又置大傅於上
然名之僭擬安可誣乎

卿而兼傅

宣十六年傳晉侯請於王命士會將中軍且為大

傳以中軍之將而兼傳尚古兼攝之義也孔穎達謂為孤卿大傳非孤既言於前矣

大夫而兼傳

成十八年傳悼公使士渥濁為大傳使修范武子之法襄十六年平公即位羊舌肸為傳杜預注代士渥濁此代渥濁亦當為大傳也渥濁肸皆為大夫是以大夫而兼傳孔穎達曰諸侯之有孤卿猶天子之有三公無人則闕故隨其本官高下而兼

攝之

卿

六卿

晉諸卿皆以三軍將佐為號僖二十七年傳初作
晉諸卿皆以三軍將佐為號僖二十七年傳初作
三軍郤穀將中軍郤溱佐之狐毛將上軍狐偃佐
之樂枝將下軍先軫佐之是僭六卿矣自是而下
迭命為代其詳見晉書年表襄二十五年傳自六正五吏

杜預注六正三軍之六卿

中軍為尊本司徒之官

僖二十七年傳作三軍謀元帥趙襄曰郤穀可乃使將中軍元長也謂將帥之長軍行則重者居串故晉以中軍為尊而上軍次之又文六年傳晉蒐於夷舍二軍使狐射姑將中軍趙盾佐之陽處父至自溫改蒐於董易中軍且謂趙盾能曰使能國之利也是以上之宣子於是始為國政則晉中軍帥是為政卿國政聽之矣中軍本司徒之官侯國

三卿司徒為首周制之舊也春秋時王政不行晉
前此以僖侯廢司徒故易為中軍

桓六年

五軍將佐皆卿官

僖三十有一年傳晉蒐清原作五軍以禦狄趙襄
為卿杜預注罷三行更為上下新軍趙襄從原大
夫為卿新軍帥孔穎達曰襄將新上軍箕鄭佐之
胥嬰將下軍先都佐之如彼文止謂趙襄作五軍
故特言趙襄為卿以見之然新軍將佐皆卿也合

舊三軍言之晉於是又有十卿矣

六軍將佐皆卿官

成三年傳景公作六軍韓厥趙括鞶甥朔韓穿荀驩
趙旃皆為卿賞鞶之功也杜預注晉舊自有三軍
今增此故為六軍合將佐言之晉卿十有二矣

散卿

僖三十三年傳襄公以一命命郤缺為卿不在軍
帥之數又文十二年傳趙穿不在軍事出追秦師

宣子曰秦獲穿也獲一卿矣是時趙盾荀林父郤
缺臾驥欒盾胥甲為三軍將佐穿無軍行亦曰卿
蓋皆彊族之子為之杜預曰晉自有散位從卿者
以卿官為大夫

成二年傳司馬司空受一命之服杜預注皆大夫
孔穎達曰司馬司空本是卿官之名但晉之諸卿
皆以三軍將佐為號其司馬司空本是大夫之官
仍有為卿之嫌故云晉司馬司空皆大夫也按侯

國三卿司徒司馬司空傳曰鄭無賦於司馬則晉

之三卿其舊未始不重自文公置私人以掌軍行

國之軍政由是屬之彊家而官之舊典乃為虛器

既廢司徒為中軍若司馬司空無事不復與卿政
進退號令始得司之事已旋廢如曰司馬主甲兵

司空主營壘皆非王官之舊矣

傳注曰晉云者明他國以為卿晉以

為大
夫爾

兩司馬

宣十二年傳邲之戰韓厥為司馬成二年司馬司
空受一命之服但曰司馬至十八年魏絳為中軍
司馬籍偃為上軍司馬始有兩司馬按晉語云魏
絳之勇而不亂也使為元司馬知籍偃之惇卽舊
職而共儉也使為輿司馬元大也中軍為尊故曰
元輿衆也官與諸軍同故稱輿

兩司空

莊二十六年晉士蕡為大司空杜預注大司空卿

官文二年晉司空士穀盟於垂隴注云晉司空非
卿也成二年司馬司空亞旅皆受一命之服注又
云晉司馬司空皆大夫成十八年右行辛為司空
使修士薦之法實先於御戎校正司士司馬等嘗
疑其使掌大司空之職故升之司馬之上按莊二
十五年士薦為獻公殺群公子次年為大司空則
任以卿位明矣司空大夫亞於卿故與亞旅皆受
一命之服

掌公族大夫

襄七年傳晉侯謂韓無忌仁使掌公族大夫杜預注為之師長按無忌先為公族大夫今言使掌是與諸公族大夫為師長也故曰掌公族餘子公行旄車盡屬之

公族大夫

宣二年傳自驪姬之亂晉無公族成公即位宦卿之適而為之田以為公族又宦其餘子亦為餘子

其庶子為公行趙盾使屏季以其故族為公族大夫杜預注皆官名又成十八年傳荀家荀會欒黶韓無忌皆為公族大夫使訓卿之子弟共儉孝弟公族大夫掌公族及卿大夫子弟之官凡卿之適子屬焉晉語云欒伯請公族悼公曰荀家博惠苟會文敏屢也果敢無忌慎靖使茲四人者為之膏梁之性難正也故使博惠者教之文敏者道之果敢者諗之慎靖者修之使茲四人者為公族大夫

是公族專主教誨也襄十六年傳晉平公使祁奚
韓襄欒盈士鞅為公族大夫說者謂奚去中軍尉
而為公族去劇職就閒官

餘子

宣二年傳成公宦卿之餘子杜預注餘子適子之
母弟也亦治餘子之政孔穎達曰令主教卿大夫
適妻之次子下云庶子為公行掌公之戎車然則
卿大夫之妻子亦是餘子之官教之矣

公行亦曰旄車之族

宣二年傳成公宦卿之適及餘子其庶子為公行
晉於是又有公族餘子公行趙盾請以括為公族季
冬趙盾為旄車之族杜預注庶子妾子也旄車公
行之官掌率公戎行孔穎達曰掌車而謂之公行
知其掌率公戎車之行列魏風有公族公路公行
公族公行既與左傳同公路似餘子然餘子不主
路車公路非餘子也當與公行為一以其主若路

車曰公路主車行列曰公行其實一官耳周禮主
衣飾之車謂之巾車則掌建旄之車謂之旄車之
族車皆建旄故曰旄也

三行之帥

僖二十八年傳文公作三行禦狄荀林父將中行
屠擊將右行先蔑將左行杜預注三行無佐疑大
夫帥

中軍大夫上軍大夫下軍大夫

宣十二年傳趙括趙嬰齊為中軍大夫蓋趙韓晉
為上軍大夫荀首趙同為下軍大夫蓋軍行置此
大夫為三軍將佐之輔其後謀議不合軍制無統
皆此數人者實亂之卒以致敗及華之戰懲此悉
去所增六大夫獨三軍帥耳

御戎

桓三年傳韓萬御戎杜預注御戎僕也孔穎達曰
周禮戎僕掌馭戎車按周禮大御御官之長戎僕

次之春秋尚攻戰晉卿佐皆以軍為號御戎雖公
戎僕之舊蓋御之尊者

戎右

桓三年傳梁弘為右杜預注右戎車之右孔穎達
曰周禮戎右掌戎車之兵革故知右為戎車之右
也

校正

成十八年傳弁糾御戎校正屬焉使訓諸御知義

又襄九年傳命校正出馬按周禮校人掌王馬之政是知校正為主馬之官然周禮校人不屬大御今校正屬御戎則諸侯兼官或悼公新法耳既主義養馬又知御事者蓋令校正助御戎訓御也諸御謂諸是御車之人設令國有千乘乘有一御皆命教之戎士尚節義故訓之使知義如羊斟之徒是不知義也

司士

成十八年傳荀賁為右司士屬焉使訓勇力之士時使杜預注司士車右之官按周禮司右掌群后之政凡國之勇力之士能用五兵者屬焉其下更有戎右中大夫齊右下大夫道右上士此三右或官尊於司右而司右掌其政令春秋世車右為尊司士猶周禮司右之類故為車右屬官服虔以為司士主右之官謂司右也所訓勇力之士皆謂為車右者設令國有千乘乘有一右總使此官訓之

勇力之士失於強暴如魏驛之徒不順上命故訓之以共時使不犯法也

軍尉

成十八年傳祁奚為中軍尉羊舌職佐之鐸遏寇為上軍尉晉語云公知祁奚之果而不淫也使為元尉知羊舌職之聰敏肅給也使佐之又云知鐸遏寇之恭敬而信強也使為輿尉則中軍為元上軍為輿也悼公官制極多大率增置小官以弱大

官之權此年命卿自祁奚以下皆屬官

候正 候奄

成二年傳候正受一命之服杜預注候正主斥候大夫也晉制軍行有此大夫從者又成十八年傳張老為候奄蓋中軍之候奄也晉語云知張老之知而不詐也為元候元大也中軍尊故稱大知而不詐示取其信周禮夏官之屬候人各掌其方之道治與其禁令以設候正候奄疑同一官或職掌

相類而分任云

乘馬御亦曰贊僕

成十八年傳程鄭為乘馬御六駒屬焉使訓群駒知禮杜預注乘車之僕也六駒六閑之駒周禮諸侯有六閑馬乘車尚禮故訓群駒知禮按晉語云知程鄭之端而不淫且好諫而不隱也使為贊僕則乘馬御亦曰贊僕矣

僕人

襄三年傳魏絳至授僕人書杜預注僕人晉侯御
僕按周禮御僕掌群吏之逆及庶民之復鄭司農
云逆謂受下奏復謂奏事魏絳以書授之是受下
奏蓋掌逆也則僕人其周禮之御僕矣

輿帥

成二年傳輿帥受一命之服杜預注輿帥主兵車
大夫晉制軍行有此大夫從者

七輿大夫

僖十年遂殺七輿大夫杜預注侯伯七命副車七

乘襄二十三年傳魏氏及七輿大夫與之杜預注

七輿官名按周禮大行人侯伯七命貳車七乘貳

即副也每車一大夫主之謂之七輿大夫閏二年

申生將上軍故僖十年七輿大夫服虔以為二年

之輿帥七人屬申生者為申生報怨襄十八年樂

盈佐下軍則襄二十三年七輿大夫乃下軍輿帥

七人故與樂氏云

呂祖謙謂王命晉侯以一軍制七輿大夫惟上軍有之疑樂盈

下軍七輿即是前時上軍之制按晉書增軍制鄉官亦多下軍有七輿何疑焉曰下軍明與上軍自異

亞旅

成二年傳司馬司空輿帥候正亞旅皆受一命之服杜預注亞旅亦大夫也晉制軍行有此大夫從者亞旅次於卿是衆大夫無專職掌散共軍事故後言之

嬖大夫

昭七年傳罕朔奔晉韓宣子問其位於子產子產曰卿違從大夫之位罪人以其罪降古之制也朔於敝邑亞大夫也宣子使從嬖大夫杜預注為子產故使降一等不以罪降孔穎達曰子產數游楚云子晳上大夫女嬖大夫不尊貴也則晉之嬖大夫亦是下大夫矣曰降一等降於亞大夫也

五吏三十帥三軍之大夫 百官之正長師旅

襄二十五年傳齊賂晉侯以宗器樂器自六正五

吏三十帥三軍之大夫百官之正長師旅又處守
者皆有賂杜預注六正三軍之六卿五吏文職三
十帥武職皆軍卿之屬官百官正長群有司也師
旅小將帥孔穎達曰此齊以晉將來伐就會賂之
則五吏三十帥皆軍內之官三軍將佐有六卿與
六正數同故以六正為六卿也其五吏三十帥皆
是軍內之官以三軍與六正數同必是在軍之官
但官軍不復可知下言三軍之大夫百官之正長

則軍內群官足包之矣於大夫之上言五吏三十
帥此吏帥未必貴於大夫當以有所掌故先言之
耳吏者治也故為文職帥者有所率領故為武職
杜以意而解不能審悉故云皆軍卿之屬官略言
之耳既以帥為武職則帥是大帥下句復云師旅
當小於帥故杜以下師旅為小將帥董遇云五吏
謂一正有五吏為三帥之長亦以意言之耳俗本
三十帥為三十師非也

執秩

僖二十七年傳文公作執秩以正其官杜預注執秩主爵秩之官秩次也秩次不正其餘皆亂如小宰叙正群吏也

司典

昭十五年傳王語籍談曰昔而高祖孫伯黶司晉之典籍以為大政故曰籍氏及辛有之二子董之晉於是乎有董史女司典之後也何故忘之杜預

注辛有二子適晉為太史籍屢與之共董督晉典
因為董氏

大史

宣二年傳大史書趙盾弑其君以示於朝昭十五
年傳辛有二子董之晉於是乎有董史杜預注適
晉為大史按司典大史雖共掌典籍然司典必世
掌典籍故以籍為氏而官曰司典大史則實掌史
筆如書趙盾是也

史

僖十五年傳史蘇占之杜預注晉卜筮之史

司寇

襄三年傳魏絳曰臣之罪重請歸死於司寇司寇主刑故請致戶使戮之侯國之制司空兼行司寇之事晉別命官司空非兼之也

理官

昭十四年傳士景伯如楚叔魚攝理晉語云士景

伯如楚叔魚為贊理孔晁云景伯晉理官叔魚佐之

士兼司盟

襄九年傳士莊子為載書盟書何以是士莊子為之周禮同盟乃秋官之屬春秋時士是獄官莊子為士故為盟書

行人

襄四年傳韓獻子使行人子貞問之杜預注行人

通使之官按周禮有大行人小行人諸侯行人當亦通掌此事

詳見周
魯官制

縣師

襄三十年傳以絳縣老人為君復陶為絳縣師杜預注縣師掌地域辨其夫家人民按周禮縣師上士二人掌邦國都鄙稍甸郊里之地域而辨其夫家人民田萊之數凡造都邑量其地而制其域以歲時徵野之賦貢天子之縣師掌此則諸侯縣師

或亦倣之故杜略引周禮以解如周禮則縣師是
王朝之官此言絳縣師者絳是晉國所都之邑以
居在絳邑故繫絳言之

復陶

同上杜預注復陶主衣之官按昭十二年傳說楚
子出獵云皮冠秦復陶翠被豹舄執鞭以出復陶
之文在冠履之間知復陶是衣也此言君復陶則
當主君衣服之官矣衣服名復陶義則未聞

寺人

僖二十四年傳使寺人披請見注寺本文作侍按匡
繆正俗云寺人者內小臣在壇闈庭寺之中謂闈
人耳後學皆讀寺人為侍人失之

甸人

成十年傳使甸人獻麥周禮天子有甸師甸師掌
帥屬而耕耨王籍以時入之以共盈盛侯國不曰
甸師制與天子異蓋主為公田者

饋人

成十年傳使甸人獻麥饋人為之饋人掌飲食之人如王朝庖人之類

膳宰

昭九年傳膳宰屠蒯趨入請佐公使尊曰臣實司味亦猶天子之膳夫也檀弓以屠蒯為杜蕡疑音相近曰蕡也宰夫也非刀匕是供又敢與知防膳宰司庖膳固其職云

巾車

襄三十一年傳巾車脂轄杜預注主車之官

義同魯巾

車

隸人

襄三十一年傳隸人牧圉各瞻其事周禮隸僕掌五寢之埽除糞洒之事侯國隸人職當倣此

齊

管仲制國

齊語云管仲為桓公制國為二十一鄉工商之鄉六士鄉十五參國起案以為三官臣立三宰工立三族市立三鄉澤立三虞山立三衡此其大凡也考之經傳官制亦有合而不詳見云

三軍

齊初置三軍公帥中軍國子高子帥左右軍蓋桓公世中軍屬公而二守司左右二軍哀十一年傳國書將中軍高無平將上軍宗樓將下軍則皆臣

帥之矣

三卿

齊語云臣立三宰注三宰三卿也使掌群臣僖十二年傳管仲辭上卿之禮曰臣賤有司也有天子之二守國高在管仲受下卿之禮而還杜預注國子高子天子所命為齊守臣皆上卿也管仲不敢以職自高卒受本位之禮是國高為上卿管仲為下卿蓋齊三卿官也三卿之數雖合侯國之制然

不曰司徒司馬司空又以司徒掌兵而別置司寇
非周制矣詳見下

左相

襄二十五年傳崔杼弑莊公立景公而相之慶封
為左相詳考首末相左相之名惟見於此蓋列國
三卿一卿執政即所謂相矣按莊九年傳桓公自
莒入齊鮑叔告公曰管夷吾治於高傒使相可也
齊語桓公自莒反於齊使鮑叔為宰辭以管夷吾

而管子小匡篇亦曰桓公自莒反於齊使鮑叔牙
為宰鮑叔辭二書所載皆同俱謂為宰則所謂使
相者使之為宰也管仲制國臣立三宰注以三宰
為即三卿是相與宰同或曰宰或曰相或曰卿言
之雖異而實皆執國政者崔杼致逆故以慶封為
左相以助已出於非常非舊制也

位卑執國政

管仲以下卿而執國政齊制執政不嫌於位卑也

哀十四年傳齊簡公之在魯也闢止有寵焉及即位使為政止班序不詳見其亦位卑而執政歟

大夫

成十七年傳齊侯使崔杼為大夫使慶克佐之十八年慶封為大夫慶佐為司寇大夫次於卿古制也今一則使主兵而置佐一則以居司寇之上雖曰上大夫然與古制甚戾

司徒

成二年傳銳司徒免乎杜預注銳司徒主銳兵者齊以司徒主兵與司徒兼行冢宰事異矣

司寇

成十八年傳慶封為大夫慶佐為司寇封蓋佐之兄先命為大夫而以司寇佐次之是以司寇次於大夫矣侯國當置司寇大夫曰司寇皆僭也此次於大夫豈即司寇大夫乎又是年華免為士官殺國佐以討前擅殺慶氏於是始命封與佐焉華免

既以士官掌刑則慶佐為司寇其職非主刑矣是齊司徒司寇不但非卿官而職掌亦異

士官

成十八年傳齊侯使士華免以戈殺國佐杜預注華免齊大夫孔穎達曰世族譜有華免無士字此注以華免為大夫則士者為士官也士官掌刑故使殺國佐

傅少傅

襄十九年傳齊靈公使高厚傳牙以為大子夙沙衛為少傅此二傅以傳大子

大史 南史氏

襄二十五年傳大史書崔杼弑其君崔子殺之其弟嗣書而死者二人其弟又書乃舍之南史氏聞大史盡死執簡以徃大史史官禮記玉藻動則左史書之孔穎達引大史書崔杼弑其君事謂記動作之事在君左廂則大史為左史也南史職掌亦

同或居於南故氏以別之

工正

莊二十二年傳齊侯使敬仲為卿辭使為工正杜預注掌百工之官管仲制國工立三族工正其任此矣或曰卿官之亞職位亦重

虞人

昭二十年傳齊侯田於沛招虞人以弓不進杜預注虞人掌山澤之官按周禮山虞掌山林之政令

澤虞掌國澤之政令齊既有虞候以掌藪之薪蒸
是為澤虞此虞人其山虞乎苟從杜注則山澤之
官總名矣

衡鹿

以下四官孔穎達曰此皆
齊自立名故與周禮不同

昭二十年傳山林之木衡鹿守之杜預注衡鹿官
名按周禮司徒之屬林衡之官掌巡林麓之禁鄭
玄云衡平也平林麓之大小及所生者竹木生平
地曰林山足曰麓此置衡鹿之官守山林之木是

其宜也衡者山林之官此加以鹿其專主林乎

舟鮫

昭二十年傳澤之萑蒲舟鮫守之杜預注舟鮫官名按舟是行水之器鮫是大魚之名澤中有水有魚故以舟鮫名官

虞候

昭二十年傳數之薪蒸虞候守之杜預注虞候官名按周禮澤虞掌國澤每大澤大數中士四人鄭

玄云虞度也度知山之大小及所生者澤水所鍾
也水希曰藪澤草所生則藪是少水之澤立官使
之候望以虞候為名當是澤虞之職

祈望

昭二十年傳海之鹽蜃祈望守之杜預注祈望官
名海是水之大神有時祈望祭之因以祈望為主
海之官

侍漁

襄二十五年傳申蒯侍漁者杜預注侍漁監取魚之官尊之所以言侍

卜

文十八年傳惠伯令龜卜楚丘占之孔穎達曰周禮大卜大祭祀則視高命龜鄭玄云命龜告龜以所卜之事士喪禮卜葬命龜云卜葬其父某甫考降無有近悔如此之類是令龜之辭也令者告令使知其意與命同

寺人

僖二年傳齊寺人貂始漏師於多魚杜預注寺人內奄官豎貂也孔穎達曰周禮內宰之屬有內小臣奄上士四人寺人王之正內五人內豎倍寺人之數寺人掌王之內人及女宮之戒令內豎掌內外之通令皆掌婦人之事是自內小臣以下皆用奄人為官侯國其數當降於王名職則無以異鄭玄云豎未冠者之官名然則此人名貂幼童為內

豎之官以為齊侯所寵後雖年長遂呼為豎貂焉
此時為寺人之官故稱寺人貂

勇爵

襄二十一年傳齊莊公為勇爵杜預注設爵位以

命勇士

詳見征伐書

春秋分記卷四十二